

ducha di Barbon, fato venir a questo effectò, el gran canzelier et altri signori; et vene li oratori dil re di romani, qualli fomo fati sentar su una bancha per mezo el re. Questi sono, il conte di Naxò, uno cavalier et uno doctor, non perhò di molta auctorità et reputation. Et esposeno la soa oration, chome il re di romani e l'imperio, ne la dieta augustense, per il pericolo dil turcho contra la christianità, li haveano mandati perchè a questi do re conveniva la defension di la christianità, et insieme acordarsi, e conseiar il modo di quello si habi a far; et era stà electo prima, per orator, il ducha di Saxonia, qual, per esser stà substituido al governo di l'imperio, non havia potuto venir; et che desiderano la pace con soa maestà, per poter far ditta impresa, dicendo li christiani haver auto assa'danni, *teste* è Crovattia, Pollonia; Hongaria e venitiani; et che poi, a una altra audientia, refeririano il resto *etc.* Durò la ditta oration una horra. Et per il gran canzelier li fo risposto, chome li piaque la soa venuta, *etiam* la regia maestà desidera la pace; lauda la expeditiom contra il turcho, per il dano patito per la Signoria nostra, soa confederata, di la perdeda di Modom e Coron, e va discorendo *etc.* *Item*, sier Beneto Trivixan scrive haver stentà 6 miexi haver licentia, e poi abuta, per li dolori grandi non si pot mefer a camin. *Item*, ditti oratori alemani dicono esser per nome di electori di l'imperio.

Di li ditti, di 23. Come el Foscarei era stato dal re a conferir li sumarij, e leto, di l'armada, la lettera scrive la Signoria, ringraziando soa maestà. Qual disse: Vi confermo, sarà. Et altri colouij. E poi, pregato debbi mitigar la risposta si dovea scriver al re di romani, disse, stava benissimo. *Item*, doman visiterà la raina e il cardinal Roan; et, parlato di l'armada yspara, lezendo li sumarij, disse: Questo inverno farà pocho, ma questo estate sarà la nostra *etc.* *Item*, ozi el cardinal Roan, col consegio regio, s'è reduto in casa dil ducha di Barbon, e hanno dato l'audientia a li oratori alemani, qualli si seusiono non haver portato le lettere di credenza, per esser rimaste a la soa habitation, dove erano alozati. Et sier Beneto Trivixan li mandò a dir al cardinal, si li volea dir 0. Disse, questi oratori non haver commission larga, ma verà una altra ambasata. *Item*, tuta la corte dimanda falconi, e il secretario Rubertet à ditto, la rayna ne voria meza dozana a parte. *Item*, ricevute 4 lettere di la Signoria nostra, è stato dal roy *etc.*, qual ozi è intrato a Tors.

Da Milam, dil secretario nostro, di 4, in risposta di nostre. Zercha quello ne scrisse i rectori di Ber-

gamo, dil taion posto per francesi *etc.* À parlato al lucionense, et à scritto a Bergamo, li daji informatione.

Dil capetanio zeneral da mar, dste in galia, im 450
porto di l'arsenal di l'isola di la Cephalonia, a di 12 novembro. Chome scrisse, e, a di 8, parte di le artilarie foropo messe in conzo con summa diligentia e presteza, e principiato a trazer al castello, e circondato quello con le artillarie, e zorno e nocte mai cessano, e fanno bon fruto; spera di brieve se intenderà bone nove, per esser grande ordine e obedientia. Quelli dil castello tirano pochissimi colpi, per esser mal forniti di artillarie, nè alcun pò comparer a le difese, nè sopra alcun altro loco, per el frequentar di le nostre artillarie, nè si resta, *in hoc interim*, far taiar legnami per l'impresa di Modon, et, expedita questa, anderano; et za ne sono tagliati in bona quantità. *Item*, a di 8, el capetanio ysparo deliberò andar al castello, a far piantar le artillarie e pavioni; e ha deliberato, per ultimarla, restar in campo; e a di 9, esso zeneral andò in campo con li provedadori, zoè sier Hironimo Contarini e sier Giacomo Venier, capetanio di le galie grosse, sì per visitar el capetanio ysparo, come per veder el sito di esso castello. E il capetanio li disse, voleva restar li in campo, et lui restasse da basso, capetanio zeneral *etiam* di la sua armada, e provedesse a le cosse necessarie; promesse non manchar, e li lassò li do nominati, per provedadori dil campo, distribuendo li altri officij necessarij in campo a molti sopracomiti, come par per la poliza qui soto scritta. Et sier Hironimo Pixani, provedador, e sier Marco Orio, capetanio di le nave armade, ha deputadi provedadori li a marina, e in nulla si manca al campo. *Item*, sollicita se li mandi danari, per proveder a li bisogni che acadeno, e sempre sta in exborsar danari, e tien conto diligente, e sono stà dispensadi con ogni realtā. *Item*, li soldati mandati de qui, e li provisionati, fati a Corphù, à retentati su l'armata, si lamentano; li dà bone parole *etc.*; li fa far le spexe a li sopracomiti, e ha subvenuti di qualche marcello. *Etiam* à subvenuto la compagnia di Gorlim, che sono 20 homeni electi, di qual si ha grandissimo fruto. Lauda molto Gorlim, è sopra l'impresa, val assai, et è molto caro al capetanio ysparo. Aricorda si provedi di biscoto, e à scritto per tutto per averne. Eri ricevete 7 lettere, una di 29 avosto, di la expedition di sier Renier Vituri, soracomito, con polvere, confortando l'armata a star di bon animo. Risponde, poi è zonto in armada, tutti è de intrepido animo. Le altre, do di 9, do di X, una di 15, e una 17 octu-